



## Aningaasaqarnermut Nunamullu Namminermut Naalackersuisoq

Ulloq: 20. august 2014  
J.nr.: 01.31.06/14-00671

### Aningaasaqarnermut Akileraartarnermullu Ataatsimiititaliap pingasunngornermi ulloq 20. august 2014-imi aalajangiineranik Naalackersuisunut ilisimatitsineq

**Kontomi pingaarnermi 84.40.15-imi, Ilinniartitaanermut sanaartukkanut tunngasumi, aamma kontomi pingaarnermi 84.40.12-imi, Ilinniartut inaannik sanaartornermut tunngasumi, nuussuineq. (Suliaq nr. 01.31.06/14-00671).**

Naalackersuisut **inassutigaa**,

- kontomi pingaarnermi 84.40.15-imi, Ilinniartut inaannik sanaartornermut tunngasumi, suliasamat nr. 120.52.090-imut, Ilulissani ilinniartunut inissiat amerlinerinut tunngasumut, aningaasaliissutit 2014-imi 4,844 mio. koruuninik ikilineqassasut, aamma
- kontomi pingaarnermi 84.40.12-imi, Ilinniartitaanermut sanaartukkanut tunngasumi, suliasamat nr. 120.52.086-imut, Ilulissani PISPS-ip allissutaanut tunngasumut, aningaasaliissutit 2014-imi 3,334 mio. koruuninik amerlineqassasut aamma suliasamat nr. 060.52.088-imut, Nuummi Ledelsesakademimut taartissanik sananermut tunngasumut, aningaasaliissutit 1,5 mio. koruuninik amerlineqassasut.”

### Aningaasaqarnermut Akileraartarnermullu Ataatsimiititaliap oqaaseqaatai

Innarluutilinnut tunngasuni ilinniartitaaneq malunnaatilimmik annertusarneqassasoq Naalackersuisut qinnuteqaat una aqqutigalugu kissaatigaat. Taamaattumillu Ilulissani PISPS-ip ilanissaanut pilersaarutaasumut immikkut aningaasaleqqinnissaq qinnuteqaat una aqqutigalugu Naalackersuisut kissaatigaat, taamaalillunilu init quleriit ataatsimik ilaneqassallutik.

Siuliani taaneqartunut aningaasalersuutissatut aningaasat suliasaq 120.52.090-imut, Ilulissani ilinniartunut inissiat amerlinerinut tunngasumut, immikkoortinneqartut nuunneqarnissat Naalackersuisut kissaatigaat.

AIS 15-imili allassimavoq Ilulissani ilinniartut inaannik sanaartornissamik pilersaarummut tassunga Naalackersuisut aningaasanik immikkoortitsisut. Ilinniartitaanikkut malunnaatilimmik annertusaaneq ilinniartut inaannik amigaaqalernermik, taamaalillunilu Ilulissani inissanik allanik akisunerusunik pisariaqartitsilernermik nassataqassanngitsoq ataatsimiititaliamit qulakkeerumaneqarpoq.

### Apeqqu:

Nuussinissamik qinnuteqaatip matuma nassatarisaanik ilinniartunik inissianut allanik Ilulissani inissiisariaqalernissami aningaasartuutaanerusinnaasut Naalackersuisunit naatsor-sorneqarsimappat?

**Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarluni aammalu apeqqutit siuliani allassimasut ulloq 26. august 2014, nal. 12.00 tikitsinnagu Naalakkersuisunit akineqareersimanissaa taassumalu assilinerata qarasaasiakkut uunga nassiunneqarnissaa **tungavissaatillugu** Naalakkersuisut inassuteqaataat Aningaasaqarnermut Ataatsimiititaliamit **akuerineqarput**: [sakkak@ina.gl](mailto:sakkak@ina.gl).

Ataatsimiititaliaq sinnerlugu

Jens Immanuelson  
Ataatsimiititaliap siulittaasua